



Broj: 07-11-525/20  
Vogošća, 14.04.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 14.04.2020. godine donio je

## **ODLUKU O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI SEPARATNE KANALIZACIJE U NASELJU ROSULJE-I FAZA**

### **Član 1.**

Ponuda ponuđača "Hidrom" d.o.o. Vogošća, ulica Naselje Rosulje-Nova Vogošća blok 11, odabrana je za izvođenje radova na izgradnji separatne kanalizacije u naselju Rosulje-I faza, kao prvoplasirana na Rang listi, sa ponuđenom ukupnom cijenom nabavke u iznosu od 683.763,60 KM bez uračunatog PDV-a, odnosno 800.003,41 KM sa uračunatim PDV-om.

### **Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

## **OBRAZLOŽENJE**

Općinski načelnik je dana 18.03.2020. godine donio Odluku o pokretanju Otvorenog postupka nabavke radova na izgradnji separatne kanalizacije u naselju Rosulje-I faza, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 19.03.2020. godine pod brojem: 1353-1-3-36-3-47/20.

Sažetak Obavještenja o nabavci objavljen je u "Službenom glasniku BiH" broj: 18/20 od 20.03.2020. godine.

Tendersku dokumentaciju sa Portala javnih nabavki BiH je preuzelo 18 (osamnaest) ponuđača. Krajnji rok za dostavu ponuda bio je 06.04.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 06.04.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-525/20 iz marta 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Termo-beton" d.o.o. Breza	679.773,00	/	/	795.334,41
2	"Bujice" d.o.o. Konjic	698.127,20	/	/	816.808,82
3	"Mibral" d.o.o. Sarajevo	684.339,00	/	/	800.676,63
4	"Tuzlić" d.o.o. Breza	684.953,00	/	/	801.395,01
5	"Hidrom" d.o.o. Vogošća	683.763,60	/	/	800.003,41

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Termo-beton" d.o.o. Breza ne ispunjava formalno-pravne uslove tražene Tenderskom dokumentacijom i to:
  - Na strani 21., 23., 25., 39., 41., 43., 77., 79., 81. i 85. Ponude ponuđač "Termo-beton" d.o.o. Breza (u Obrascu za cijenu ponude-Aneks 2), ponuđač je u dijelu tabele gdje stoji "Prema fakturi KJKP ViK Sarajevo" propustio da popuni tražene rubrike i napiše iznos koji nudi.  
Na taj način ponuđač je postupio protivno zahtjevu ugovornog organa da se za svaku stavku u ponudi mora navesti cijena, što znači da svaka rubrika mora biti brojčano popunjena.

Dana 20.03.2020. godine ponuđač "Mibral" d.o.o. Sarajevo je na Portalu javnih nabavki postavio pitanje koje glasi: "da li ulaze u cijenu i radovi koji su naznačeni da izvodi KJKP "ViK" Sarajevo i kako se obračunavaju; mora li Ponuđač tražiti ponudu od KJKP "ViK" Sarajevo; prema predmjeru u tenderskoj dokumentaciji cijena za predmetne radove se nema gdje upisati".

Ugovorni organ je dana 23.03.2020. godine odgovorio da "u cijenu ponuđača ulaze radovi koje izvodi KJKP "ViK" d.o.o. Sarajevo, koju ponuđači formiraju prema Ponudi KJKP "ViK" d.o.o. Sarajevo i ukalkulišu je u svoju Ponudu. Dakle Naručioca radova zanima gotov proizvod, a Ponuđač utvrđuje cijenu direktno sa KJKP "ViK" za priključke novog cjevovoda na postojeći te za izvođenje kućnih priključaka, odnosno za svaku poziciju u kojoj piše da se izvodi prema Fakturi KJKP "ViK", uz napomenu da Faktura KJKP "ViK" nije bitna nama (Naručiocu) nego Vama (Ponuđaču). Ovo je naznačeno u tenderskoj dokumentaciji u poglavlju 6. PODACI O PREDMETU JAVNE NABAVKE-stav 6.1.1".

Dio upita koji se odnosi na problem upisa cijene ugovorni organ je ocjenio kao opravdan, a kao najbrže rješenje je ponuđeno da se "u lijevom slobodnom uglu kolone ispod dijela teksta „Prema“ upisuje cijena, a u desnom slobodnom dijelu kolone ispod dijela teksta KJKP "ViK" upisuje iznos, odnosno cijena se upisuje ispred riječi Sarajevo a iznos iza riječi Sarajevo u pozicijama gdje postoji naznačena količina, a pozicije u kojima je količina "nula" se svakako ne nude.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Tuzlić" d.o.o. Breza ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, i između ostalog da ima na raspolaganju 2 (dva) teretna vozila-kamioni kiper.

Tačkom 7.4.2. pod c) TD je između ostalog traženo da se kao dokazi za tražena teretna vozila kamione-kipere iz tačke 7.4.1. pod c) stavka 1. dostave važeće saobraćajne dozvole/potvrde o registraciji.

Ponuđač "Tuzlić" d.o.o. Breza je u svojoj Ponudi (strana 107. Ponude) dostavio Saobraćajnu dozvolu/Potvrdu o registraciji za kamion "Man"-samoistovarivač/kiper. Komisija za javne nabavke cijeni da dostavljena Saobraćajna dozvola/Potvrda o registraciji nije u skladu sa traženim dokazima iz tačke 7.4.2. pod c) TD, jer je uvidom u istu utvrđeno da je registracija za dostavljeni kamion istekla dana 20.07.2019. godine te da ista u međuvremenu nije produžena od vlasnika kamiona firme "Tenex" d.o.o. Sarajevo.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Bujice" d.o.o. Konjic
- "Mibral" d.o.o. Sarajevo i
- "Hidrom" d.o.o. Vogošća

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16) i Odlukom o izmjenama i dopunama odluke o obaveznoj primjeni preferencijalnog tretmana domaćeg ("Službeni glasnik BiH" broj: 54/19).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2020. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 13.04.2020. godine u 09:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 13.04.2020. godine, Komisija za javne nabavke je sačinila sljedeću Rang listu u Otvorenom postupku nabavke radova na izgradnji separatne kanalizacije u naselju Rosulje-I faza kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Hidrom" d.o.o. Vogošća	683.763,60	800.003,41
2	"Mibral" d.o.o. Sarajevo	684.339,00	800.676,63
3	"Bujice" d.o.o. Konjic	698.127,20	816.808,82

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Hidrom" d.o.o. Vogošća, za izvođenje radova na izgradnji separatne kanalizacije u naselju Rosulje-I faza, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 683.763,60 KM bez uračunatog PDV-a, odnosno 800.003,41 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

*Mirza Čutura*

Kontrolisala: Melisa Kršo

*Melisa Kršo*

Dostavljeno:

1. "Termo-beton" d.o.o. Breza
2. "Bujice" d.o.o Konjic
3. "Mibral" d.o.o. Sarajevo
4. "Tuzlić" d.o.o. Breza
5. "Hidrom" d.o.o. Vogošća
6. Nadležnoj Službi
7. U dosije
8. a/a

032/789-051

036/734-061

033/656-680

032/784-028

033/434-942



OPĆINSKI NAČELNIK

*Edin Smajić*  
Edin Smajić